


鷄林拾葉

四

庫文閣内			
三三函	一八四〇		和書類
七架	冊	號	

庫文閣内			
三三函	一八四〇		和書類
七架	冊	號	

内閣文庫		
番號	和	18440
冊數	8 (4)	
函號	178	497



花迺家文庫

新羅使

雞林拾葉卷之四

續日本紀曰。天平勝寶二年正月丙辰廿七從四位上背

奈王福信守等六人賜高麗朝臣。

新撰姓氏錄云。左京諸蕃高麗朝臣高勾麗王好

台七世孫延興王之後也。




四年正月癸卯廿五以正七位下山口忌寸人麻呂為遣

新羅使。

閏三月己巳廿二大宰府奏新羅王子韓阿飡金泰廉貢

調使大使金暄及送王子使金弼言等七百餘人乘

船七艘來泊乙亥廿八遣使於大内山科惠我直山等陵



以告新羅王子來朝之狀。

六月己丑^{十四}。新羅王子金泰廉等拜朝并貢調。因奏曰。新羅國王言日本照臨天皇朝廷。新羅國者始自遠朝。世々不絶。舟楫並連來奉國家。今欲國王親來朝。貢進御調。而顧念一日無主。國政絶亂。是以遣王子韓阿滄泰廉代王為首。率使下三百七十餘人入朝。兼令貢種々御調。謹以申聞。詔報曰。新羅國始自遠朝。世々不絶。供奉國家。今復遣王子泰廉入朝。兼貢御調。王之勤誠。朕有嘉焉。自今長遠。當加撫存。泰廉又奏言。普天之下。無匪王土。率土之濱。無匪王臣。泰

廉幸逢聖世。來朝供奉。不勝歡慶。私曰。自所備國土微物。謹以奉進。詔報。泰廉所奉內之壬辰^{十七}。饗新羅使於朝堂。詔曰。新羅國來奉朝庭者。始自氣長足媛皇太后。平定彼國。以至于今。為我蕃屏。而前王承慶。大夫思恭等。言行怠慢。闕失恒禮。由欲遣使問罪之間。今彼王軒英。改悔前過。異親來庭。而為顧國政。因遣王子泰廉等。代而入朝。兼貢御調。朕所以嘉歡勤款。進位賜物也。又詔。自今以後。國王親來。宜以辭奏。如遣餘人入朝。必須令賚表文。丁酉。泰廉等就大安寺東大寺禮佛。

七月戊辰廿四日泰廉等還在難波館。勅遣使賜純布并酒看。入人陳心五年二月辛巳九日以從五位下小野朝臣田守為遣新羅大使。入人陳心天平寶字元年四月辛巳四日勅曰。中畧高麗百濟新羅人等久慕聖化。來附我俗。志願給姓。悉聽許之。其戶籍記無姓及族字。於理不穩。宜為改正。入人陳心二年三月己巳廿八日內藥司佑兼出雲國員外掾正六位上難波藥師奈良等十一人言。奈良等遠祖德來。本高麗人。歸百濟國。昔泊瀨朝倉朝廷。詔百濟國訪

雄畧

求才人。爰以德來。貢進聖朝。德來五世孫惠日。小治田朝廷御世。被遣大唐。學得醫術。因號藥師。遂以為姓。今愚闇子孫。不論男女。共蒙藥師之姓。竊恐名實錯亂。伏願改藥師字。蒙難波連許之。入人陳心六月甲辰四日太宰陰陽師從六位下余益人。造法華寺判官從六位下余東人等四人。賜百濟朝臣姓。散位大屬正六位上狛廣足散位正八位下狛淨成等四人。長背連越後日正七位上高麗使主馬養內侍典侍從五位下高麗使主淨日等五人。多可連新撰姓氏錄云。左京諸蕃。百濟朝臣。百濟國都慕

王卅世孫惠王之後也。右京諸蕃長背連高麗國主鄒牟一名朱蒙之後也。欽明天皇御世率衆投化。貌美體大其背間長。仍賜名長背王。

癸亥廿四歸化新羅僧卅二人。尼二人。男十九人。女廿一人。移武藏國閑地。於是始置新羅郡焉。

新撰姓氏錄云。右京諸蕃菅野朝臣百濟國都慕王十世孫貴主王之後也。葛井宿祢同祖塩君男味散君之後也。津朝臣同祖塩君男蕃保君之後也。船連同祖大阿良王三世孫智仁君之後也。

八月丙寅廿七外從五位下津史秋主等卅四人言船葛

井津本是一祖。別為三氏。其二氏者蒙連。姓訖唯秋主等未霑。改姓請改史字。於是賜姓津連。

九月己卯十日右京人正六位上辛男床等一十六人賜姓廣田連。按男床或作小床其訓同

新撰姓氏錄云。右京諸蕃百濟下云廣田連辛臣君之後也。

十月丁卯廿八美濃國席田郡大領外上七位上子人中衛無位吾志等言子人等六世祖父午留和斯知自賀羅國慕化來朝。當時未練風俗。不着姓字。望隨國号蒙賜姓字。賜姓賀羅造。

經國集云問三韓朝宗為日久矣占風輸貢歲時靡絕頃慕爾新羅漸闕蕃禮蔑先祖之要誓從後主之迷圖思欲多發樓船遠揚威武斲奔鯨於鯤齧封豕於雞林徂良將伐謀神兵不戰欲到斯道何施而獲

文章生大初位上紀朝臣真象上

臣聞云々別有西北一隅鷄林小域人迷禮法俗尚頑兇傲天侮神逆我皇化爰警居安之懼仍想柔邊之方秘略竒謀俯訪淺智夫以勢成而要功非善者也戰勝而矜名非良將也故舉秋毫者不謂多力聽

雷電者不為聽耳古之善戰者無智力無勇功謀於未崩之前立於不敗之地是以權或不失市人可駭而使謀或不差敵國可得而制發號施金使人皆樂聞接刃交鋒使人皆安死以我順而乘其逆以我和而取其離孫吳再生不知為敵人計矣是白勝之術神兵之道也於臣之所見當今之畧者多發船航遠跨邊岸耕耘既撫毗之術役之勞紛織無脩室盈怨曠之歎殆撫毗之術恐貽害仁之判誠宜擇陸賈出境之才用文翁牧又之宰陳之以德義示之以利害然後啗以玉帛之利敦以和親之辭絕其股肱之佐

吞其要害之地則同於檻獸自有求食之心類於井魚詎有觸綸之意謹對

天平宝字元年十一月十日

三年六月壬子令大宰府造行軍式以將伐新羅也八月己亥遣大宰帥三品船親王於香椎廟奏應伐新羅之狀

九月丁卯勅大宰府頃年新羅歸化舳艦不絕規避賦役之苦遠弃墳墓之鄉言念其意豈無顧戀宜并三引問情願還者給糧放却壬午造船五百艘北陸道諸國八十九艘山陰道諸國一百卅五艘山陽道

諸國一百六十一艘南海道諸國一百五艘並逐閑月營造三年之內成功為征新羅也

四年四月戊午置歸化新羅一百卅一人於武藏國九月癸卯新羅國遣級飡金貞卷朝貢使陸奧按察使從四位下藤原惠美朝臣朝猶等問其來朝之由貞卷言曰不脩職貢久積年月是以本國王令齋御調貢進又無知聖朝風俗言語者仍進學語二人問曰凡是執玉帛行朝聘本以副忠信通禮義也新羅既無言信又闕禮義弃本行末我國所賤又王子泰廉入朝之日申云每事遵古迹將供奉其後遣小野

田守時彼國闕禮故田守不行使事而還歸王子尚猶無信况復輕使豈足為據貞卷曰田守來日貞卷出為外官亦復賤人不知細旨於是告貞卷曰使人輕微不足賓待宜從此却迴報汝本國以專對之人忠信之禮仍舊之調明驗之言四者備具乃宜來朝五年正月乙未令美濃武藏二國少年每國二十人習新羅語為征新羅也

三月庚子百濟人余民善女等四人賜姓百濟公韓遠智等四人中山連王國島等五人楊津連甘良東人等三人清篠連刀利甲斐麻呂等七人岳上連戶

清道等四人松井連境賴子老等四十一人石野連竹志麻呂等四人坂原連生河内等二人清湍連面得敬等四人春野連高牛養等八人淨野造卓果智等二人御池造延尔豐成等四人長沼造伊志麻呂福地造陽麻呂高代造烏那龍神水雄造科野支麻呂等二人清田造斯臈國足等二人清海造佐魯牛養等三人小川造王寶受等四人攝津造荅他伊奈麻呂等五人中野造調阿氣麻呂等二十人豐田造高麗人達沙仁德等二人朝日連上部王虫麻呂豐原連前部高久信福當連前部白公等六人御坂連

後部王安成等二人高里連。後部高吳野大井連。上部王弥夜大理等十人豐原造。前部選理等三人梯井造。上部君足等二人雄坂造。前部安人御坂造。新羅人新良木舍姓縣麻呂等七人清任造。須布呂比滿麻呂等十三人狩高造。
新撰姓氏錄云。右京諸蕃。御池造百濟扶餘地卓斤國主施比王之後也。中野造百濟國人杵率答他斯地之後也。左京諸蕃。豐原連高麗國人上部王虫麻呂之後也。福當連同國人前部能韋之後也。福當造同國人前志發之後也。

六年十一月乙亥朔以上六位上借緋多治比真人小耳為送高麗人使庚寅遣參議從三位武部卿藤原朝臣巨勢麻呂散位外從五位下土師宿祢犬養奉幣于香椎廟以為征新羅調習軍旅也。

二月丁丑太師藤原惠美朝臣押勝設宴於高麗客。詔遣使賜以雜色袷衣三十櫃。

七年二月癸未新羅國遣級飡金體信已下二百十人朝貢遣左少弁從五位下大原真人今城讚岐介外從五位下池原公禾守等問以約束貞卷之旨體信言曰承國王之教唯調是貢至于餘事非敢所

知於是今城告曰乾政官處分此行使人者喚入京
都如常可遇而使等約束貞卷之旨曾無所申仍稱
但齋常貢入朝自外非所知者是乃為使之人非所
空言自今以後非王子者令執政大夫等入朝空以
此狀告汝國王知癸巳高麗使王新福等歸蕃
八月壬午初遣高麗國船名曰能登歸朝之日風波
暴急漂蕩海中祈曰幸賴船靈平安到國必請朝遊
酬以錦冠至是緣於宿禱授從五位下其冠製錦表
絕裏以紫組為纓甲午新羅人中衛少初位下新良
木舍姓前麻呂等六人賜姓清任造

八年七月甲寅^{十九}新羅使太奈麻金才伯等九十一人
到著大宰博多津遣右少弁從五位下紀朝臣牛養
授刀大尉外從五位下粟田朝臣道麻呂等問其由
緒金才伯等言曰唐國勅使韓朝彩自渤海來云送
日本國僧戒融令達本鄉已畢若平安歸鄉者當有
報信而至于今日寂無來音空差此使其消息欲奏
天子仍賫執事牒參太宰府其朝彩者上道在於新
羅西津本國謝恩使蘇州金容為取太宰報牒寄附
朝彩在京未發問曰比來彼國投化百姓言本國發
兵警備是疑日本國之來問罪也其事虛實如何對

曰唐國擾亂海賊寔繁是以徵發甲兵防守緣邊乃是國家之設事既不虛及其歸日太宰府報牒新羅執事曰檢案內被乾政官符得太宰府解得新羅國牒得依韓內常侍請欲知僧戒融達不府具狀申上者以去年十月從高麗國還歸聖朝府宜承知即令報知

天平神護二年五月壬戌八日在上野國新羅人子午足等一百九十三人賜姓吉井連

六月壬子廿八日刑部卿從三位百濟王敬福薨其先者出自百濟國義慈王高市岡本宮馭宇天皇御世義慈

王遣其子豐璋王及禪廣王入侍泊于後岡本朝廷義慈王兵敗降唐其臣佐平福信討復社稷遠迎豐璋紹興絕統豐璋篡基之後以譖橫殺福信唐兵聞之復攻州柔豐璋與我救兵拒之救軍不利豐璋駕船遁于高麗禪廣因不歸國藤原朝廷賜號曰百濟王卒贈正廣參子百濟王昌成每年隨父歸朝先父而卒飛鳥淨御原世贈小紫子郎虞奈良朝廷從四位下攝津亮敬福者即其第三子也放縱不拘頗好酒色感神聖武皇帝殊加寵遇恩賜優厚時有士庶來告清貧每假他物望外與之由是頻歷外任家無

餘財然性了辨有政事之量天平年中任至從五位上陸奧守時聖武皇帝造盧舍那銅像冶鑄云畢塗金不足而陸奧國馳驛貢小田郡所出黃金九百兩我國家黃金從此始出焉聖武皇帝甚以嘉尚授從三位遷宮内卿俄加河内守勝寶四年拜常陸守遷右大弁頻歷出雲讚岐伊豫國守神護初任刑部卿薨時年六十九

神護景雲二年六月庚子^{廿八}内藏頭兼大外記遠江守從四位下高丘宿祢比良麻呂卒其祖沙門詠近江朝歲次癸亥自百濟歸化文學振海内正五位下大

學頭神龜元年改為高丘連比良麻呂少遊大學涉覽書記歷任大外記授外從五位下寶字八年以告仲滿變授從四位下景雲元年賜姓宿祢十月甲子^{廿四}左右大臣大宰綿各二万屯大納言諱弓削御淨朝臣清人各一万屯從三位文室真人淨三六千屯中務卿從三位文室真人大市式部卿從三位石上朝臣宅嗣四千屯從四位下伊福部女王一千屯為買新羅交關物也

三年十一月丙子新羅使級飡金初正等一百八十七人及導送者卅九人到著對馬嶋

十二月癸丑^{十八}遣負外右中弁從四位下大伴宿祢伯麻呂攝津大進外從五位下津連真麻呂等於大宰問新羅使入朝之由

寶龜元年三月丁卯^四初問新羅使來由之日金初正等言在唐大使藤原河清學生朝衡等屬宿衛王子金隱居歸鄉附書送於鄉親是以國王差初生等令送河清等書又因使次使貢土毛又問新羅貢調其來久矣改稱土毛其義安在對言使以附貢故不稱調至是遣左大史外從五位下堅部使主人主宣告初正等曰前使貞卷歸國之日所仰之政曾無申報

今亦徒持私事參來所以此度不預賓禮自今以後宜如前仰令可申事人入朝者待之如常宜_下以此狀告汝國王知但進唐國消息并在唐我使藤原朝臣河清等書嘉其勤勞仰大宰府安置饗賜宜知之賜國王祿純廿五匹絲一百約綿二百五十屯大使金初生已下各有差

五年三月癸卯^三新羅國使禮府卿沙飡金三玄已下二百三十五人到泊太宰府遣河內守從五位上紀朝臣廣純大外記從五位下內藏忌寸全成等問其來朝之由三玄言曰奉本國王教請修舊好每相聘

問并將國信物及在唐大使藤原河清書來朝問曰
 夫請修舊好每相聘問乃似亢禮之鄰非是供職之
 國且改貢調稱為國信變古改常其儀如何對曰本
 國上宰金順貞之時舟楫相尋常脩職貢今其孫邕
 繼位執政追尋家聲係心供奉是以請脩舊好每相
 聘問又三玄本非貢調之使本國便因使次聊進土
 毛故不稱御調敢陳使旨自外不知於是勅問新羅
 入朝由使等曰新羅元來稱臣貢調古今所知而不
 率舊章妄作新意調稱信物朝為修好以昔准今殊
 無禮數宜給渡海料早速放還

帝王編年記云寶龜五年三月三日官符曰應奉
 造四天王塏像四軀事各高六尺右新羅兇醜不顧恩
 義早懷毒心常為咒咀宜令太宰府直新羅國高
 顯淨地奉造件像攘却其災
 五月乙卯勅大宰府曰比年新羅蕃人頻有來者尋
 其緣由多非投化忽被風漂無由引還留為我民謂
 本主何自今以後如此之色宜皆放還以示弘恕如
 有船破及絕糧所司量事令得歸計
 十月己巳散位從四位下國中連公麻呂卒本是百
 濟國人也其祖父德率國骨富近江朝廷歲次癸亥

天智二年

屬本蕃喪亂歸化天平年中聖武皇帝發弘願造盧舍那銅像其長五丈當時鑄工無敢加手者公麻呂頗有巧思竟成其功以勞遂授四位官至造東大寺次官兼但馬負外介寶字二年以居大和國葛下郡國中村因地命氏焉
十年二月甲申以大宰少監正六位上下道朝臣長人為遣新羅使為迎遣唐判官海上三狩等也
七月丁丑大宰府言遣新羅使下道朝臣長久等率遣唐判官海上真人三狩等來歸
十月乙巳勅大宰府新羅使蘭孫等遠涉滄波賀正

貢調其諸蕃入朝國有恒例雖有通狀更宜反復府宜承知研問來朝之由并書函若有表者准渤海蕃例寫案進上其本者却付使人凡所有消息驛傳奏上癸丑勅大宰府唐客高鶴林等五人與新羅貢朝使共令入京

十一月己巳遣勅旨少輔正五位下內藏忌寸全成於大宰府問新羅國使薩飡金蘭孫入朝之由
十一年正月己巳天皇御大極殿受朝唐使判官高鶴林新羅使薩飡金蘭孫等各依儀拜賀辛未新羅使獻方物仍奏曰新羅國王言夫新羅者開國以降

仰賴聖朝世々天皇恩化不乾舟楫貢奉御調年紀
久矣然近代以來境內新冠不獲入朝是以謹遣薩
飡金蘭蓀級飡金嚴等貢御調兼賀元正又訪得遣
唐判官海上三狩等隨使進之又依常例進學語生
參議左大弁正四位下大伴宿祢伯麻呂宣勅曰夫
新羅國世連舟楫供奉國家其來久矣而秦廉等還
國之後不修常貢每事無禮所以頃年返却彼使不
加接遇但今朕時遣使脩貢兼賀元正又搜求海上
三狩等隨來使送來此之勤勞朕有嘉焉自今以後
如是供奉厚加恩遇待以常禮宜以茲狀語汝國王

是日宴唐及新羅使於朝堂賜祿有差壬申六日授新羅
使薩飡金蘭蓀正五品上副使級飡金嚴正五品下
大判官韓奈麻薩仲業少判官奈麻金貞樂大通事
韓奈麻金蘇忠三人各從五品下自外六品已下各
有差並賜當色并履癸酉七日宴五品已上及唐新羅使
於朝堂賜祿有差壬午六日賜唐及新羅使射及踏歌
二月庚戌十五日新羅使還蕃賜璽書曰天皇敬問新羅國
王朕以寡薄纂業承基理育蒼生寧隔中外王自遠
祖恒守海服上表貢調其來尚矣日者虧違蕃禮積
歲不朝雖有輕使而無表奏由是秦廉還日已具約

東貞卷來時更加論告其後類使曾不承行今此蘭
孫猶陳吳秦理須依例從境放還但送三狩等來事
既不輕故脩賓禮以答來意王宜察之後使必須令
賫表函以禮進退今勅筑紫府及對馬等成不將表
使莫令入境宜知之春景韶和想王佳也今因還使
附答信物遣書指不多及

延曆八年十二月壬子三十下云皇太后和氏諱新笠贈
正一位乙繼之女也母贈正一位大枝朝臣真妹后
先出自百濟武寧王之子純陀太子皇后容德淑茂
夙著聲譽天宗高紹孝仁天皇龍潛之日媾而納焉生今

武上早良親王能登內親王寶龜年中改姓為高野朝
臣今上即位尊為皇太夫人九年追上尊號曰皇太
后其百濟遠祖都慕王者河伯之女感日精而所生
皇太后即其後也因以奉謚焉

九年七月辛巳十七左中弁正五位上兼木工頭百濟王
仁貞治部少輔從五位下百濟王元信中衛少將從
五位下百濟王忠信圖書頭從五位上兼東宮學士
左兵衛佐伊豫守津連真道等上表言真道等本系
出自百濟國貴須王貴須王者百濟始興第十六世
王也夫百濟太祖都慕大王者日神降靈奄扶餘而

開國。天帝授錄摠諸韓而稱王。降及近道古王遥慕
聖化始聘貴國。是則神功皇后攝政之年也。其後輕
島豐明朝御宇。應神天皇命。上毛野氏遠祖荒田別
使於百濟。搜聘有識者。國主貴須王恭奉使。旨擇採
宗族遣其孫辰孫王一名智宗王隨使入朝。天皇嘉焉。特
加寵命。以為皇太子之師矣。於是始傳書籍。大闡儒
風。文教之興。誠在於此。難波高津朝御宇。仁德天皇
以辰孫王長子太阿郎王為近侍。太阿郎王子亥陽
君亥陽君子午定君午定君生三男。長子味沙仲子
辰爾季子麻呂。從此而別。始為三姓。各因所職以命。

氏為葛井船津連等。即是也。逮于他田朝御宇。敏達
天皇御世。高麗國遣使上烏羽之表。群臣諸司莫之
能讀。而辰爾進取其表。能讀巧寫詳奏表文。天皇嘉
其篤學。深加賞歎。詔曰。勤乎懿哉。汝若不愛學。誰能
解讀。宜從今始。近侍殿中。既而又詔東西諸史曰。汝
等雖衆。不及辰爾。斯並國史家牒。詳載其事矣。伏惟
皇朝則天布化。稽古垂風。弘澤浹乎群芳。睿政覃於
品彙。故能脩廢繼絕。萬姓仰而賴慶。正名辨物。四海
歸而得宜。凡有懷性。莫不抃躍真道等。先祖委質聖
朝。年代深遠。家傳文雅之業。揆掌西庠之職。真道等

生逢昌運預沐天恩伏望改換連姓蒙賜朝臣於是勅因居賜姓菅野朝臣

賦役令集解云延曆十六年五月癸丑勅百濟王等遠慕皇化航海梯山輸款久矣神功攝政之世則肖古王遣使貢其方物輕島御宇之年則貴須王擇人獻其才士文教以之蔚興儒風由其闡揚煥乎斌于今為盛又屬新羅肆虐并吞扶餘即舉宗歸仁為我士庶陳力從事夙夜奉公朕喜其忠誠情深矜愍宜百濟王等課并雜徭永從蠲除勿有所事王者施行

日本後紀云十八年四月庚寅正六位上大伴宿禰峰麻呂為遣新羅使正六位上林忌寸真繼為錄事五月壬申廿九停遣新羅使

十二月甲戌五日甲斐國人止彌若虫久信耳鷹長等一百九十人言己等是百濟人也仰慕聖朝航海投化即天朝降綸旨安置攝津職後依丙寅歲正月廿七日格更遷甲斐國自爾以來年序既久伏奉去天平勝寶九載四月四日勅稱其高麗百濟新羅人等遠慕聖化來附我俗情願■姓悉聽許之而已等先祖未改蕃姓伏請蒙改姓者賜若虫姓石川鷹長等姓

廣石野又信濃國人外從六位下卦婁真老後部黑
足前部黑麻呂前部佐根人下部奈豆麻呂前部秋
足小縣郡人死位上部豐人下部文代高麗家繼高
麗繼楯前部貞麻呂上部色布知等言己等先高麗
人也小治田飛鳥二朝廷時節歸化來朝自爾以還
累世平民未改本號伏望依去天平勝寶九歲四月
四日勅改大姓者賜真老等姓須岐黑足等姓豐
岡黑麻呂姓村上秋足等姓篠井豐人等姓玉川文
代等姓清岡家繼等姓御井貞麻呂姓朝治色布知
姓玉井

廿三年四月辛未中納言從三位和朝臣家麻呂薨
贈從二位大納言家麻呂贈正一位高野朝臣弟嗣
之孫也其先百濟國人也為人木訥無才學以帝外
戚特被擢進蕃人入相府自此始焉可謂人位有餘
天爵不足其雖居貴職逢故人者不嫌其賤握手相
語見者感焉時年七十一

九月己丑遣兵部少丞正六位上大伴宿禰岑萬里
於新羅國太政官牒云遣使唐國脩聘之狀去年令
大宰府送消息訖時無風信遂變炎涼去七月初四
船入海而兩船遭風漂迴二船未審到處即量風勢

定著新羅仍遣兵部省少丞正六位上大伴宿祢岑
萬里等尋訪若有漂著宜隨事資給令得還鄉不到
彼堺冀遣使入唐訪覓具報

弘仁二年八月甲戌大宰府言新羅人金巴兄金乘
弟金小巴等三人申去年被差本縣運穀海中逢賊
同伴盡沒唯己等幸賴天祐僮著聖邦雖沐仁渙非
無顧戀今聞鄉人流來令得放歸伏望寄乘同船共
還本鄉者許之

三年正月甲子五日大宰府去十二月廿八日奏云對馬
島言今月六日新羅船三艘浮於西海俄而一艘之

船著於下縣郡佐須浦船中有十人言語不通消息
難知其二艘者闇夜流去未知所到七日船廿餘艘
在島西海中燭火相連於是遂知賊船仍殺先著者
五人五人逃走後日捕獲四人即衛兵庫且發軍士
又遙望新羅每夜有火光數處由是疑懼不止仍申
送者為問其事差新羅譯語并軍毅等發遣已訖且
准舊例應護要害之狀告管内并長門石見出雲等
國訖者所奏消息既是大事虛實之狀續須言上而
久移年月遂無所申又要害之國必發入兵應疲警
備解却之事期於何日宜言其由不得更怠又量事

勢不足為虞宜令停出雲石見長門等國議要害事
三月己未朔新羅人清漢波等流來依願放還
九月甲子^{九日}新羅人劉清等十人賜糧放還

日本紀畧云四年三月辛未^{十八}大宰府言肥前國司
今月四日解倂基肆團校尉貞弓等去二月廿九
日解倂新羅一百十人駕五艘船著小近島與土
民相戰即打殺九人捕獲一百一人者又同月七
日解倂新羅人一清等申云同國人清漢已等自
聖朝歸來云云宜明問定若願還者隨願放還遂
是化來者依例進止^上

類聚三代格云太政官符應停對馬島史生一員
置新羅譯語一人^上事右得大宰府解倂新羅之船
來著件島言語不通來由難審彼此相疑濫加殺
害望請減史生一人置件譯語者右^園大臣宣奉勅
依請弘仁四年九月廿九日
日本紀畧云五年五月乙卯^{九日}制新羅王子來朝之
日若有朝獻之志者準渤海之例但願脩鄰好者
不用答禮直令還却其給還糧

五年八月丙寅^{廿三}化來新羅人加羅布古伊等六人配

美濃國

十月丙辰^{十三}新羅商人卅一人漂著於長門國豐浦郡
庚午^{廿七}太宰府言新羅人辛波古知等二十六人漂著
筑前國博多津問其來由遠投風化

六年正月壬寅^{廿日}對馬史生一員置新羅譯語

日本紀畧云七年十月甲辰太宰府言新羅人清

石珍等一百八十人歸化宜賜時服及路糧駕於

便船令得入京

八年四月辛亥太宰府言新羅人遠山知等一百

四十四人歸化

九年正月丁酉太宰府言新羅人張春等十四人

來獻驢四

元亨釋書云九年新羅沙門二十六人來排入諸

寺

日本紀畧云十年六月壬戌^{十六}大唐越州人周光翰

言升則等乘新羅人船來問唐國消息光翰等對

曰己等遠州鄙人不知京邑之事但去元和十一

年圓州節度使李師道反所擁兵馬五十萬極為

精銳天子發諸道兵討未克天下騷擾

十一年二月丙戌^{廿六}配遠江駿河兩國新羅人七百

人反叛殺人民燒屋舍二國發兵擊之不能勝盜

伊豆國穀乘船發相模武藏等七國勅力追討咸
伏其辜

五月甲辰^{四日}新羅人李長行等進殺羴羊二白羊四
山羊一鷲二

七月乙巳^{六日}新羅人四十人歸化

類聚國史云^{天長元}十五年三月丁丑^{廿八}授新羅人一百六

十五人乘田二十四町八段為口分田賜種子并

農調度價

日本紀畧云四月丙戌^{七日}能登國所漂著新羅琴二

面手韓鈕二隻^{クサキリ}剉碓二隻附朝集使進上

類聚國史云五月己未^{十一}新羅人辛良金貴良水白

等五十四人安置陸奧國依法給復兼以乘田宛

口分

續日本後紀云天長十年四月乙丑^{八日}投化新羅人金

禮真等男女十人貫附左京五條

八月戊戌^{十五}備前國人直講博士正六位上韓部廣公

賜姓真道宿禰也廣公之先百濟國人也

承和元年二月癸未^{二日}新羅人等遠涉滄波泊著大宰

海涯而百姓惡之彎弓射傷由是太政官譴責府司

其射傷者隨犯科罪被傷疾者遣醫療治給糧放還

五月丙子^{廿六}左京人正七位下文忌寸歲主无位同姓
三雄等賜姓淨野宿祢河内國人正六位上文忌寸
繼立改忌寸賜宿祢焉歲主三雄繼立等之先並百
濟國人也

六月辛丑^{廿二}和泉國人正六位上藥師文主從八位下
同姓安遊等賜姓淨根宿祢百濟國人也

九月壬申^{廿五}勘解由主典阿直史福吉散位同姓核公
等三人賜姓清根宿祢核公之先百濟國人也

二年正月己巳^{廿三}左近衛戶嶋守賜姓安岑連焉嶋守
之先百濟國人也

三月己未^{十四}太宰府言壹岐島遙居海中地勢隘狹人
數寡少難支機急頃年新羅商人來窺不絕非置防
人何備非常請令島徭人三百卅人帶兵仗戎十四
處要害之埒許之

五月癸酉^{廿八}右京人丹波權大目昆解官繼内豎同姓
河繼等賜姓廣野宿祢百濟國人夫子之後也

十月戊戌^{廿七}遣唐錄事松川造貞嗣散位同姓家繼等
賜姓高岑宿祢其先高麗人也

十一月辛酉^{廿日}遣唐使知乘船事從八位上香山連清
貞兄二人改連賜宿祢其先百濟國人也

三年三月壬寅木工寮算師八戸史磯益同姓彌繼
 等廿人賜姓常澄宿祢其先高麗人也辛酉能登史
 生馬史真主右近衛同姓貞主等賜姓春澤史其先
 百濟國人也
 四月戊戌遣唐錄事高岑宿祢貞繼改宿祢賜朝臣
 其先高麗人也
 閏五月戊寅右京人左衛門權少志大原史河麻呂
 改史賜宿祢河麻呂之先百濟國人也辛巳恐遣唐
 使船風濤或變漂著新羅境所以太政官准舊例牒
 彼國執事先告諭之曰不渝舊好鄰稷彌新迺發皇

帝朝章自遠仍今遣使修聘巨唐海晏當時雖知利
 涉風濤或變猶慮非常脫有使船漂著彼境則扶之
 送過不俾滯遏因以武藏權大掾三津為使賫牒發
 遣賜三津御被乙酉美濃國人主殿寮少屬美見造
 貞繼改本居貫附左京六條二坊其先百濟國人也
 八月壬戌大宰府馳驛奏遣新羅使進發并遣唐第
 三船漂著對馬島上縣郡南浦船上唯有三人之狀
 九月丁丑右京人造兵司大令史朴矛春賜姓貞宗
 連其先百濟國人也
 十月戊午遣新羅使紀三津還到大宰府

鳥木合葉卷四

二十五

十二月丁酉^{三日}遣新羅國使紀三津復命三津自失使
 旨被新羅誣劫歸來到則所以遣三津於新羅者唐
 四箇船今欲渡海恐或風變漂着彼場由是准之故
 實先遣告喻期其接援而三津到彼失本朝旨稱專
 來通好似畏怯媚託私自設辭執事省疑與太政官
 牒相違再三詰問三津逾增迷惑不能分疏是則三
 津不文而其口亦訥之所致也故執事省牒中云兩國
 相通必无詭詐使非專對不足為憑但其牒中亦云
 小野篁船帆飛已遠未必重遣三津聘于唐國夫修
 聘大唐既有使頭篁其副介耳何除其貴輕舉其下

加以當爾之時篁身在本朝未及渡海而謂帆飛已
 遠斯並聞商帆浮說忘所言耳荷校滅耳盖在茲歟
 又三津一介綠衫孤舟是駕何擬為入唐使哉如此
 異論近于誣罔斯事若只存大畧不詳首尾恐後之
 觀者莫辨得失因全寫執事省牒附載之新羅國執
 事省牒日本國太政官紀三津詐稱朝聘兼有贄賫
 及檢公牒假偽非實者

牒得三津等狀稱奉承王命專來通好及開函覽牒
 但云修聘巨唐脫有使船漂着彼界則扶之送過无
 裨滯遏者主司再發專使詰問丁寧口與牒乖虛實

莫辨既非交鄰之使必匪由衷之賂事无據實豈令
虛受且太政官印篆跡分明小野篁船帆飛已遠未
必重遣三津聘于唐國不知島嶼之人東西窺利偷
學官印假造公牒用備斥候之難自逞貨泉之遊然
兩國相通必无詭詐使非專對不足為憑所司再三
請以政刑章用但姦類主司務存大體舍過責功恕
小人荒迫之罪申大國寬弘之理方今時屬大和海
不揚波若求尋舊好彼此何妨况貞觀中高表到彼
之後惟我是賴唇齒相須其來久矣事須牒太政官
并牒_中普州_上量事與給過海程糧放還本國請處分者

奉判准狀牒太政官請垂詳悉者山外新抄拾遺卷四
四年六月己未_八右京人左京亮從五位上吉田宿祢
書主越中介從五位下同姓高世等賜姓興世朝臣
始祖監乘津大倭人也後順國命往居三巴汝地其
地隸百濟監乘津八世孫達率吉大尚其弟小尚等
有懷土心相尋來朝世傳醫術兼通文藝子孫家奈
良京田村里仍元賜姓吉田連
六年七月丙申_七令大宰府造新羅船以能堪風波也
八月己巳_十勅大宰大貳從四位上南淵朝臣永河等
得今月十四日飛驒所奏遣唐錄事大神宗雄送太

宰府牒狀知入唐三箇船嫌本船之不完倩駕楚州
 新羅船九隻傍新羅南以歸朝其第六船宗雄所駕
 是也餘八箇船或隱或見前後相失未有到著艱虞
 之變不可不備宜每方面戒防人不絕炬火羸貯糧
 水令後着船共得安穩其宗雄等安置客館得待後
 船
 戊寅改加賀國人正六位上百濟公豐貞本居貫附
 左京四條三坊豐貞之先百濟國人也以庚午年被
 貫河內國大鳥郡以乙未年被貫加賀國江沼郡也
 十月丁巳遣唐使錄事正六位上山代宿祢武益所

駕新羅船一隻歸着筑前博多津
 七年六月丙寅備中介外從五位下余何成右京大
 屬正六位下余禍成等三人賜姓百濟朝臣其先百
 濟國人也
 九月丁亥大宰府言對馬島司言遙海之中風波危
 險年中貢調四度公文屢逢漂沒傳聞新羅船能凌
 波行望請新羅船六隻之中分給一隻聽之
 十二月己巳大宰府言藩外新羅臣張寶高遣使獻
 方物即從鎮西追却為為人臣無境外之交也
 八年二月戊辰太政官仰大宰府云新羅人張寶高

去年十二月進馬鞍等寶高是為他臣敢輒致貢稽
之舊章不合物宜以禮防閑早從返却其隨身物
者任聽民間令得交關但莫令人民違失沽價競傾
家質亦加優恤給程糧並依承前之例

九年正月乙巳新羅人李少貞等卅人到著筑紫大
津大宰府遣使問來由頭首少貞申云張寶高死其
副將李昌珎等欲叛亂武珍州別駕閻文興兵討平
今已無虞但恐賊徒漏網忽到貴邦擾亂黎庶若有
舟船到彼不執文符者並請切命所在推勘收捉又
去迴易使李忠揚圓等所賣貨物乃是部下官吏及

故張寶高子弟所遣請速發遣仍賣閻文上筑前國
牒狀參來者公卿議曰少貞曾是寶高之臣今則閻
文之使彼新羅人其情不遜所通消息彼此不定定
知商人欲許交通巧言攸稱今覆解狀云李少貞賣
閻文上筑前國牒狀參來者而其牒狀無進上宰府
之詞無乃可謂合例宜彼牒狀早速進上如牒旨無
道附少貞可返却者或曰少貞今既託於閻大將掠
先來李忠揚圓等謂去年迴易使李忠等所賣貨物
乃是故寶高子弟所遣請速發遣今如所聞令李忠
等與少貞同行其以迷獸投於餓虎須問李忠等若

嫌與少貞共歸隨彼所願任命遲速又曰李忠等迴
易事畢歸向本鄉逢彼國亂不得平著更來筑前大
津其後於呂系等化來云己等張寶高所攝島民也
寶高去年十一月中死去不得寧居仍參著貴邦是
日前筑前國守文室朝臣宮田麻呂取李忠等所賚
雜物其詞云寶高存日為買唐國貨物以絕付贈可
報獲物其數不尠正今寶高死無由得寶物因取寶
高使所賚物者縱境外之人為愛土毛到來我境須
欣彼情令得其所而奪迴易之便絕高賈之權府司
不加勘嚴肆令并兼非失賈客之資深表無王憲之

制仍命府吏所取雜物細碎勘錄且給且言兼又與
給糧食放歸本鄉

八月丙子^{廿五}大宰大貳從四位上藤原朝臣衛上奏四
條起請一曰新羅朝貢其來尚矣而起自聖武皇帝
之代迄于^{仁明}聖朝不用舊例常懷奸心芑茅不貢寄事
商賈窺國消息方今民窮食乏若有不虞何用防之
望請新羅國人一切禁斷不入境內報曰德澤洎遠
外蕃歸化專禁入境事似不仁宜比于流來宛糧放
還商賈之輩飛帆來者所賚之物任聽民間令得迴
易了速放却

十年八月戊寅^{廿二}大宰府言對馬島上縣郡竹敷埒防人等申云從去正月中旬迄于今月六日當新羅國遙有鼓聲傾耳聽之每日三響常俟三時其聲發動加以至于黃昏火更見矣勅曰夫安不忘亂古人明戒將驕卒惰兵機所忌縱雖無事故不可不慎大宰府言對馬島司言去延曆年中以東國人配防人後以筑紫人配防人而並停廢也當百姓去弘仁年中疫癘多死急有寇賊何堪防禦望請准舊例以筑紫人為對馬防人者聽之

十二月乙卯朔出羽國河邊郡百姓外從五位下勳

八等奈良己智豐繼等五人賜姓大瀧宿祢其先百濟國人也癸亥^{九日}入唐留學天台宗僧圓載之弟子仁好順昌與新羅人張公靖等廿六人來著於長門國十二年十二月戊寅^{五日}大宰府馳驛言新羅人賈康州牒二通押領本國漂蕩人五十餘人來著

嘉祥元年三月乙酉^{六日}天台宗入唐請益僧圓仁將弟子僧性海惟正等去年十月駕新羅商船來著鎮西府是日歸朝遣中使慰勞各施御被

二年二月庚戌^{廿五日}大宰府言對馬島司解偁此島居海中地近新羅若有機急者何以備不虞望請傳史生

一負置弩師一負依請許之

文德實錄曰嘉祥三年十一月己卯從四位下治部大輔興世朝臣書主卒書主右京人也本姓吉田連先先出自百濟畧能彈和琴仍為大歌所別當常供奉節會新羅人沙良真熊善彈新羅琴書主相隨傳習遂得祕道

仁壽二年二月乙巳八日滋野貞主傳云嘉祥二年春兼尾張守于時大宰府吏多不良衰政日甚貞主上表曰夫大宰府者西極之大壤中國之領袖也東以長門為關西以新羅為拒加以九國二島郡縣闊遠自

古于今以為重鎮夫謀事必就租發政占古語因檢舊記大唐高麗新羅百濟任那等悉託此境乃得入朝或緣貢獻之事或懷歸化之心可謂諸藩之輻湊中外之關門者也

齊衡三年三月壬子九日大宰府奏言新羅人卅人漂著此岸稟糧放歸

三代實錄曰貞觀四年七月廿八日乙未左京人造兵司少令史正六位上飛鳥戶造彌道賜姓百濟宿祢百濟國混伎之後也

五年四月廿一日癸丑先是大宰府言新羅沙門無著普

嵩清願等三人著博多津岸至是勅安置鴻臚館資
給糧食待唐人船令得放却

八月九日己巳右京人從五位下行皇太后宮大進
御船宿祢彥主從五位下行助教兼備後權介御船
宿祢佐世內藏少屬正七位上御船宿祢氏柄散位
從七位上船連助道等男女六人賜姓菅野朝臣河
內國丹比郡人左兵衛權大志正七位上船連貞直
賜姓御船宿祢彥主等之先出自百濟國貴須王也
十七日丁丑右京人外從五位下行主計助飛鳥戶
造豐宗等男女八人賜姓御春朝臣其先出自百濟

國人混伎也

廿一日辛巳右京人從五位下行隼人正難波連縵
麻呂伊豫權掾正六位下難波連實得縫殿少允從
六位上難波連清宗等並賜姓朝臣其先高麗國人
也

十月十一日庚午右京人陰陽少屬從六位上飛鳥
戶造清貞內豎正六位上飛鳥戶造清生大政官吏
生正八位下飛鳥戶造河主河內國高安郡人主稅
大屬正七位上飛鳥戶造有雄等並賜姓百濟宿祢
其先百濟國人比有之後也

奚木未竟考

三十三

十一月十七日^{丙午}先是丹後國言新羅國人五十四人來著竹野郡松原村問其來由言語不通文書無解其長頭屎烏舍漢書答云新羅東方別島細羅國人也自外更無詞因幡國言新羅國人五十七人來著荒坂濱頭畧似商人是日勅給程糧放却本蕃六年二月十七日^{甲戌}先是去年新羅國人卅餘人漂著石見國美乃郡海岸死者十餘人生者廿四人詔國司給程糧放却
八月十七日辛未右京人河内守從五位下蕃良朝臣豐村右大史從六位下葛井連宗之兵部少錄正

六位上葛井連居都成等賜姓菅野朝臣本系出自百濟國人貴須也左京人大皇太后宮少屬正七位上百濟宿祢有世賜姓御春朝臣有世其先出自百濟國人比有也
七年五月廿日庚子左京人造酒令史正六位上道祖史永主散位大初位下道祖史高直等二人賜姓惟道宿祢其先出自百濟國人王孫許里也
八年正月廿六日癸卯右京人正六位上安峰連小島從六位下安峰連真魚等五人改連姓賜宿祢其先百濟人也

鳥木合葉考

三十四

七月十五日丁巳大宰府馳驛奏言肥前國基肄郡人川邊豐稻告同郡擬大領山春永語豐穗云與新羅人珍賓長共渡入新羅國教造兵弩器械之術還來將擊取對馬島藤津郡領葛津貞津高來郡擬大領大刀主彼杵郡人永岡藤津等是同謀者也仍副射手卅五人名薄進之
十一月十七日勅曰迺者恠異頻見求之著龜新羅賊兵常窺間隙災變之發唯緣斯事夫攘災未兆過賊將來唯是神明之冥助豈云人力之所為宜令能登因幡伯耆出雲石見隱岐長門大宰等國府班幣

於邑境諸神以祈鎮護之殊効又如聞所差健兒統領選士等苟預人流曾無才器徒稱爪牙之備不異蟪蛄之衛况復不教之民何禦非常之敵亦夫十步之中必有芳草百城之內寧乏精兵宜令同國國府等勤加試練必得其人
九年四月廿五日甲午主稅少允從六位上錦部連三宗麻呂木工少允正六位上錦部連安宗賜姓惟良宿祢其先百濟國人也伊賀權目正六位下韓人真貞賜姓豐瀧宿祢其先任那國人也
五月廿六日甲子造八幅四天王像五鋪各一鋪下伯耆

出雲石見隱岐長門等國下知國司曰彼國地在西極塲近新羅警備之謀當異他國空歸命尊像勤誠修法調伏賊心消却災變仍須點擇地勢高敞臉瞰賊境之道塲若素無道塲新擇善地建立仁祠安置尊像請國分寺及部内練行精進僧四口各當像前依最勝王經四天王護國品畫轉經卷夜誦神咒春秋二時別一七日清淨堅固依法薰修
十一年六月十五日^{辛丑}大宰府言去月廿二日夜新羅海賊乘艦二艘來博多津掠奪豐前國年貢絹綿即時逃竄發兵追□遂不獲賊

七月二日^{戊午}勅譴責大宰府司曰諸國貢調須使史領將一時共發不可先後零疊雖其羣類而令豐前一國獨先進發亦弱斫人乘飢虎口遂使新羅寇盜乘隙致侵掠非唯亡失官物兼亦損辱國威求之往古未有前聞貽於後來當無面目雖云使人之可責抑亦府官之有怠又或人言盜賊逃去之日海邊百姓五六人冒死追戰射傷二人事若有實寧非忠敬而府司不申何近掩善又所禁之人雖有嫌疑緣是異邦最思仁怒空停拷法深加廉問早從放却
十月廿六日^{庚戌}大政官論奏曰刑部省斷罪文云貞觀

八年。隱岐國浪人安曇福雄。密告前守正六位上越智宿祢貞厚。與新羅人同謀反逆。遣使推之。福雄所告事是誣也。至是法官覆奏。福雄應及坐斬。但貞厚知部內有殺人者。不舉劾。仍應官免者。詔斬罪。宜滅一等處之。遠流自餘論之。如法。

十二月五日。先是。大宰府言上往者。新羅海賊侵掠之日。差遣統領選士等。擬令追討。人皆懦弱。憚不肯行。於是調發俘囚。御以贍畧。特張意氣。一念當千。今大鳥示其恠異。龜筮告以兵寇。鴻臚館并津厨等。雖居別處。無備禦。侮若有非常。難以應猝。夷俘分居。諸

國常事。遊蕩徒免課役。多費官糧。請配置處處。以備不虞。分為二番。別當百人。每月相替。交相駟役。其粮新者。諸國所舉。夷俘新利稻之內。每國令運輸。以給其用。至是勅曰。俘夷之性。本異平民。制御之方。何用恒典。若忽離舊居。新移他土。衣食無續。心事返常。則野心易驚。遂致猜變。空簡監典。有謀畧者。令其勾當。并統領選士幹事者。以為其長。勉加綏誘。能練武衛。設有諸國粮運闕如。即須府司迴撥支濟。又以百人為一番。居業難給。轉餉多煩。宜五十人為一番。十四日遣使者於伊勢大神宮奉幣。告文曰。天皇我詔旨。

奚木抄書卷四

掛畏岐伊勢乃度會宇治乃五十鈴乃河上乃下都

盤根尔大宮柱廣敷立高天乃原尔千木高知天稱

辭竟奉留天照坐皇大神乃廣前尔恐美恐毛申賜

倍申又去六月以來大宰府度度言上須良新羅賊

船二艘筑前國那珂郡乃荒津尔到来天豐前國乃

貢調船乃綃綿乎掠奪天逃退利多又廳樓兵庫等上

尔依有大鳥之恠天卜求尔隣國乃兵革之事可在

止卜申利又肥後國尔地震風水乃災有天舍宅恚

仆顛利人民多流亡利多如此之災比古來未聞止故

老等毛申止言上利多然間尔陸奧國又異常奈地震留

之災言上利多自餘國國毛又頗有件災止言上利多傳

聞彼新羅人波我日本國止又岐世時與相敵比來

多而今入來境内天奪取調物天利無懼沮之氣量其

利而况尔兵寇之萌自此而生加我朝又無軍旅又專

忘警備利多兵亂之事尤可慎恐然我日本朝波所謂

神明之國利神明之助護利賜波何乃兵寇加可近

来岐况掛毛畏岐皇大神波我朝乃大祖止御座天

食國乃天下乎照賜比護賜比然則他國異類乃加

侮致亂岐事乎何曾聞食天警賜比拒却介賜波須在

年故是以從五位下弘道王雅樂少允從六位上大

鳥林台書卷四

中臣朝臣冬名等乎差使天禮代乃大幣帛遠忌部
 神祇少祐從六位下齋部宿祢伯江加弱肩尔大繼
 取懸天持齋令捧持天奉出給布此狀乎平又聞食
天假令時世乃禍亂天止之上件寇賊之事在倍岐物奈
止掛毛畏支皇大神國內乃諸神達乎唱導岐賜天比
 未發向之前尔沮拒排却賜倍若賊謀已就天兵船
 必來又倍在波境內尔入賜須之逐還漂沒女賜天比我
 朝乃神國止畏憚利來禮故實乎澆多失比賜布奈自
 此之外尔假令天止之夷俘乃逆謀叛亂之事中國乃
 盜兵賊難之事又水旱風雨之事疾癘飢饉之事尔

至万天尔國家乃大禍百姓乃深憂止可在良乎波尔皆悉
 未然之外尔拂却銷滅之天賜天天下無躁驚天國內
 平安尔鎮護利救助賜比皇御孫命乃御體乎常磐
 堅盤與天地日月共尔夜護晝護尔護幸倍矜奉給
倍恐美恐美申賜又申按廿九日明年二月十五日
止告文皆同依畧之庚子十七日去夏新羅海賊掠奪貢綿又有大
 鳥集大宰府廳事并門樓兵庫上神祇官陰陽寮言
 當有隣境兵寇肥後國風水陸奧國地震損傷廨舍
 沒溺黎元是日勅命五畿七道諸國班幣境內諸神
 豫防後害廿五日壬寅勅令五畿七道諸國限以三日轉

讀金剛般若經謝地震風水之災厭隣兵窺隙之寇
為廿八日遣從五位上守右近衛少將兼行大宰權
少貳坂上大宿祢瀧守於大宰府鎮護驚固勅曰鎮
西者是朕之外朝也千里分符一方寄重况復隣國
接壤非常叵期今聞大鳥示恠龜筮告寇機急之備
豈令暫輟哉空令瀧守勾當緣警固之事是日瀧守
奏言所以置選士設甲冑者本為備驚急護不虞也
謹檢博多是隣國輻輳之津警固武衛之要而墉與
鴻臚相去二驛若兵出不意倉卒難備請移置統領
一人選士廿人甲冑廿具放鴻臚又謹檢承前選士

百人每月番上今以尋常之負備不意之禦恐機急
之事實難支濟請例番之外更加他番統領二人選
士百人詔並從之
十二年二月十五日丁酉遣使於諸山陵告可禦新
羅寇賊之狀參議正四位下行皇太后宮大夫藤原
朝臣良世從五位上行下野權守紀朝臣有常告深
草山陵參議正四位下行右衛門督兼讚岐權守源
朝臣生右兵庫頭從五位上久賀朝臣三常告田邑
山陵參議正四位下行右兵衛督源朝臣勤侍從從
五位下藤原朝臣高範告楯列山陵告文准八幡大

菩薩宮廿日^{壬寅}勅大宰府令新羅人潤清宣堅等廿人及元來居止管內之葦水陸兩道給食馬入京先是彼府言新羅凶賊掠奪貢綿以潤清等處之嫌疑禁其身奏之大政官處分殊加仁恩給糧放還潤清等不得順風無由歸發其間對馬島司進新羅消息日記并彼國流來七人府須依例給糧放却但葦介新羅凶毒狼戾亦迺者對馬島人卜部乙屎磨被禁彼國脫獄遁歸說彼練習兵士之狀若彼疑洩語為伺氣色差遣七人詐稱流來歟凡垂仁放還尋常之事狡奸往來當加誅僂加之潤清等又事交關僑寄此

地能候物色知我無備令放歸於彼示弱於敵既乖安不忘危之意又從來居住管內者亦復有數此輩皆外似歸化內懷逆謀若有來侵必為內應請准天長元年八月廿日格旨不論新舊併遷陸奧之空地絕其覬覦之奸心從之廿三日參議從四位上行大宰大貳藤原朝臣冬緒進起請四事其一曰軍旅之儲烽燧是切而數十年來國無機警雖有其備未知調用若有非常何以通知今須下知管內國島試以舉烽禁燧彼此相通以備不虞若不言其由恐驚動物意望請下知事自依件調練詔從之

三月十六日戊辰從五位下行對馬島守小野朝臣春風進起請二事其一曰軍旅之儲蓄在介冑介冑雖薄助以保侶望請縫造調布保侶衣千領以備不虞其二曰軍興不虞倍日兼行轉餉易絕輜重難給望請以調布縫造納糶帶袋千枚可帶士卒腰底以支急速之備詔從之以大宰府庫布造充之

六月七日戊子勅大宰府置對馬島選士五十人甲十十三日先是太宰府言肥前國杵島郡兵庫震動鼓鳴二聲決之著龜可警隣兵是日勅令筑前肥前壹岐對馬等國島戒慎不虞又言所禁新羅人潤清等世人其

中七人逃竄

八月廿八日先是對馬島言境近新羅動恐侵掠既無其師弩機何用絕域孤島誰救警急廼者有聞彼國寇賊學劍習戰若不豫備恐難應卒望請置弩師一員勅大宰府簡擇其人補任言上立為恒例

九月十五日甲子遣新羅人廿人配置諸國清倍鳥昌南卷安長全連五人於武藏國僧嵩沙彌傳僧開解元昌卷才五人於上總國潤清果才甘參長鳥才長真平長清大存倍陳連哀十人於陸奧國勅潤清等處於彼國人掠取貢綿之嫌疑須加重譴以肅後來然

肆青宥過先王之義典空特加優恤安置彼國沃壤
 之地今得穩便給口分田營種新并須其等事一依
 先例至于種蔣秋獲並給公糧僧沙彌等安置有供
 定額寺令其供給路次諸國並給食馬隨身雜物充
 人夫運送勤存仁怒莫致窘苦大政官宣又新羅人
 大宰乃貢綿乎盜取禮潤清等廿人同又此疑尔處
 世須又其由乎責勘天法乃任尔罪奈給又有禮止
 罪乎免之給比身乎矜給天安可南支所止量給天清
 倍等五人波武藏國尔元昌等五人波上總國尔潤
 清等十人波陸奥國尔退給波又宣潤清長烏真平

等才長於造瓦預陸奥國修理府新造瓦事令長其
 道者相從傳習上
 十一月十三日辛酉筑後權史生正七位上佐伯宿祢真
 繼奉進新羅國牒即告大宰少貳從五位下藤原朝
 臣元利萬侶與新羅國王通謀欲害國家禁真繼身
 付檢非違使十七日乙丑勅大宰府進禁少貳藤原朝臣
 元利萬侶前主工王家人浪人清原崇繼中臣年麻
 呂興世有年等五人以從五位下行大内記安倍朝
 臣興行為遣大宰府推問密告使判官一人主典一
 人廿六日筑後權史生佐伯真繼差加防援下大宰

府

十五年六月廿一日甲寅武藏國司言新羅人金連安長清信等三人逃隱不知在所令京畿七道搜捕金連等貞觀十二年自大宰府亦遷配也

九月八日庚午甲斐國言新羅沙門傳僧卷才二人來寄山梨郡傳僧等貞觀十三年徙配上總國者也仍令還著本處焉

十二月廿二日癸丑先是大宰府言去九月廿五日新羅人世二人乘一隻船漂著對馬島岸島司差加使者送府即禁其身著鴻臚館是日勅曰新羅人挾奸年

久元毒未悛疑亦流著之體構候隙之謀空重加搜檢審覈情狀早令放歸

十六年八月八日甲子先是大宰府言上新羅人金四金五等十二人駕船一艘漂著對馬島至是勅府司問來由早從放還

元慶元年十二月十六日壬午右京人從五位下行山城權从船連副使麻呂内藏權少允正七位上津宿祢輔主主殿允大初位下葛守連直臣等三人賜姓菅野朝臣其先百濟國人也

二年十二月十一日壬辰大宰少貳從五位下島田朝臣

忠臣等奏言檀日宮有託宣云新羅虜船欲向我國
空為之備因茲遣從五位上守刑部大輔弘道王向
伊勢大神宮祈請冥助廿四日遣兵部少輔從五位
下兼行伊勢權公平朝臣季長向大宰府奉幣檀日
八幡及姬神住吉宗形等大神其檀日八幡姬神別
奉綾羅御衣各一襲金銀裝寶劍各一以彼府奏有
託宣云新羅凶賊欲窺我隙肥後國有大鳥集河水
變赤等之恠也
三年四月二日辛酉貞觀十二年九月十五日配置
新羅人五人於武藏國至是國司言其中二人逃去

不知在否仍大政官下符左右京五畿七道諸國搜
索
四年五月廿三日丙子先是授肥後守從五位上藤原朝
臣房雄正五位下西國流言新羅凶賊將入寇冠朝
議以左近衛少將坂上大宿祢瀧守兼任大宰少貳
向彼之日賜隨身近衛有數瀧守少貳秩滿仍以房
雄代之到府之後流聞不整隨身近衛多致陵暴其
魁首左近衛采女益繼狡猾尤甚房雄殺之警候不
嚴民謠問發故遷房雄於肥後守罷其少將之職今
之進階慰其意也

五年十一月九日癸丑坂上瀧守傳云貞觀十一年二月
出為大宰權少貳右近衛少將如故是歲新羅海賊
掠奪大宰貢綿勅遣瀧守備之後拒兼宰警固癸酉
仁和元年六月廿日癸酉是日大宰府言去四月十二日
新羅國使判官徐善行錄事高興善等四十八人乘
船一艘來著肥後國天草郡問其來由答曰前年漂
蕩適著海岸蒙給官糧得歸本鄉今奉賀仁恩賚國
牒信物等來朝者今檢寄事奉賀牒貨相兼只有執
事省牒無國王啓其牒不納函子以紙裹之題云新
羅國執事省牒上日本國其上踏印五字謹檢先例

事乖故實仍寫牒并錄貨物數進上勅新羅國人包
藏禍心覬覦家國雖寄事於風波然猶疑其毒螫須
懲其姦匿以從重法然而朝家好仁不忍為之而猶
放還全其首領矣
小右記云寬平五年閏五月三日勅符云追討新羅
海賊事當今務在農要勿令失時且征且田良將之
術勅到奉行
扶桑畧記延喜十八年十月下云故老云寬平六年
二月彗星見四月新羅賊來損人物擾吏民
一代要記云寬平六年四月新羅賊船來九月罰新

羅賊史記云寬平六年四月扶桑畧記云寬平六年九月五日對馬島司告新羅賊徒船四十五艘到著之由大宰府同九日進上飛驒使同十七日記云同日卯時守文室善友召集郡司士卒等仰云汝等若箭立背者以軍法將科罪立額者可被賞之由言上者仰訖即率列郡司士卒以前主田村高良令反間即島分寺上座僧面均上縣郡大領下今主等為押領使百人軍各結廿番遣絕賊移要害道豐圓春竹卒弱軍四十人度賊前凶賊見之各銳兵而來向守善友前立楯令調弩亦亂擊

時凶賊隨亦亂擊即射戰其箭如雨見賊等被射并逃歸將軍追射賊人迷惑或入海中或登山止合計射殺三百二人就中大將軍三人副將軍十一人所取雜物大將軍縫物甲冑貫革袴銀作太刀纏弓革胡籙充夾保保呂各一具已上附脚力多米常繼進上又奪取船十一船太刀五十柄棒十基弓百十張胡籙百十房楯三百十二枚僅生獲賊一人其名賢春即申云彼國年穀不登人民飢苦倉庫悉空王城不安安全王仰為取穀絹飛帆參來但所在大小船百艘乘人二千五百人被射殺賊其數甚多但遺賊中

有最敏將軍三人就中有大唐一人
 北山抄云寬平六年九月十八日子二刻大宰飛驒
 使來十九日戌二刻飛驒使來言上討殺新羅賊類
 二百餘人之由云云寅四刻名先後飛驒使於陣頭
 給白衾各一條緣其早來也一人給勅符一人給位
 記等還遣之云云
 西宮記云寬平六年九月廿三日奉山陵臨時幣停
 尋常政依新羅凶賊來侵也云云
 小右記寬仁三年記云寬平六年新羅凶賊到對馬
 島島司善友計返即給賞

又云引見寬平外記日記云有警固北陸山陰山陽
 南海等道要害

日本紀畧云延喜六年七月十三日隱岐國言從坤
 方猛風高吹天健金草命託宣新羅賊類浮居北海
 我為追彼令吹大風者如帆柱木等流着是新羅賊
 船帆木者神明所告其徵如此
 本朝文粹答新羅返牒
 菅淳茂

却歸使人等事

伏思當國之仰貴國也禮敦父事情比孩提唯甘扶
 轂執鞭豈憚航深棧險而自質子逃遁隣言矯誣一

千年之盟約斯渝三百歲之生靈到此春秋不云乎
親仁善隣國之寶也魯論語曰不念舊惡是空恩深
舍垢化致慕羶今差專介冀藏卑儀者如牒都統甄
公內撥國亂外守主盟聞彼勲賢孰不欽賞然任土
之琛藩王所貢朝天之禮陪臣何專代大匠而採力
慕庖人而割肉雖誠切攀龍猶嫌忌相鼠縱宰府忍
達金闕之前而憲臺恐安玉條之下仍表函方而以
從却迴空替之典章莫處踈隔過而不改如其餘何
但輝函等遠疲花浪漸移葭灰量給官糧聊資歸路
今以狀牒牒到准狀故牒

按輝函扶桑
畧記作輝函

延喜年月日

扶桑畧記云延長七年五月十七日新羅甄萱使張
彥澄等二十人來著對馬島持送大宰府司書狀并
信物又送島守坂上經國書及信物等請向府彥澄
辭云彼國如右欲進調貢為蒙大府仰奉向彥澄等
云云島司守憲法拘留彥澄等俯地申云本國王深
存入覲之情重致使信之勞空從中途歸去身命難
為存島司猶拘使以彥由言上府府即申大政官其
送府書序欲奉朝廷之由送島書謝送歸彼國飄蕩
人之彥先是去正月十三日新羅交易海藻於貪羅

島之船飄蕩著對馬下縣郡島守經國加安存給糧食并差加擬通事長岑望通檢非違使秦滋景等送歸金州三月廿五日滋景獨還來申云金州王甄萱敷併數十州稱大王望通等到彼州之日促座緩頰慇懃語曰萱有宿心欲奉日本國前年不勝丹款進上朝貢而稱陪臣貢調被返却也一日欲稱寡者且為奉本意本意已遂裝船將進朝貢之間汝等幸過來因拘留望通慙免滋景初經國歸飄蕩人之時牒送金州金州寄彦澄送返牒陳謝恩情兼述願朝貢之深款及注可進發復禮使李榮等之由李榮遂不

來廿一日大政官符太宰府新羅人張彦澄等給資糧從放歸并令文章博士等修大宰對馬返牒書狀案下遣大宰牒畧云潘固致自成警關之勤人臣無私何有逾境之好故猥存交通春秋遣加貶之誠曲求面覲胎粉絕為容之勞計也輝岳早歸區陳旨意何尔彦澄重到頻示晤言空馳斷金之情未迴復主之慮爰守典法既從却歸云云對馬牒畧云前救溺頂之危適成授手之慮非是求隣好唯為重人生云云其迴法之旨同府牒其大貳書畧云調貢之禮蕃王所勤輝岳先來已乖例彦澄重至猶有蹇違

縱改千萬之面何得二三其詞所贈方寄不敢依領
人臣之義已無外交云云對馬守書且絕私交不受
贈物

今昔物語云今ハ昔文徳天皇ノ御代ニ新羅國ニ
仰せ遣ス事ヲ不用レサリケ大臣公卿被僉議テ云
ク彼ノ國ハ[■]天皇ノ御代ニ此ノ朝ニ可隨キ
由ヲ申^キセリ而^ニ此ク仰せ遣ス事ヲ不用^ハ子未代
ハ惡ナカ^リ然^レ速ニ軍ヲ調テ彼ノ國ヲ可被^レ罰キ
也ト被定テ其ノ時鎮守府ノ將軍藤原ノ利仁ト
云ルケ人ヲ彼ノ國ニ遣リ利仁心猛ク^シ其ノ道ニ

達^ル者^ニ此ノ仰ヲ承テ後心ヲ勵テ出立ツ間多
ノ猛キ軍共ヲ負ス不知ス多ノ船ニ調へ被乗ル
而ル間彼ノ新羅ニ此ノ事ヲ不知ス其^レ此ノ事
ニ依テ様々ノ物恠有^ハケレ占ト^ニスル異國ノ軍發
テ可來キ由ヲ占ヒ申^ハケレ其ノ國ノ國王ヨ始メ
大臣公卿驚騷テ云ク異國ヨ猛キ軍發テ我國ニ
來^ニラム手向^テヘシ可支^キ様無シ然^ハ只不如^シ三
寶ノ靈驗ヲ深ク可憑キ也ト定テメ大宋國ニ在^ス
灑全阿闍梨ト云フ人有リ惠果和尚ノ御弟子ト
テ真言ノ密法ヲ受ケ傳テ^ハ止事無キ聖人也忽ニ

其ノ人ヲ請テ調伏ノ法ヲ令行ム其ノ時二三井
 寺ノ智證大師ハ若テクシ宋ニ渡テ此ノ阿闍梨ヲ
 師トシ真言習テ御カケル其モ共ニ新羅ニ渡テ御
 ケレ我カ國ノ事ニ依テト何ハテカ知給ハム為ル
 トモ我カ國ノ事ニ依テト何ハテカ知給ハム為ル
 而ル間調伏之法既ニ七日ニ満ル日壇ノ上ニ血
 多ク泛リ阿闍梨必ス法ノ驗シ可有キ也ト云テ
 結願テ本ノ宋ニ返リニケ而ニ利仁ノ將軍出立ツ
 間山崎テニシ病付テ卧ケタル間ニ俄ニ起走テ
 空ニ向テ太刀ヲ拔テ踊上リ踊上リ度々切ルケ程
 ニ倒レ死リニケ然ハ他人ヲ亦遣ス事モ無ク止ケニ

リ其ノ後智證大師宋ヨ此朝ニ返リ給テ新羅ニ
 渡シタリ事ヲ語給ケル聞テナ此ノ國ノ人然ハ利
 仁ノ將軍ノ死ニ事ハ其調伏ノ法ノ驗ニ依テ也
 トケリ知レケ此ヲ思ニ利仁將軍モ系只人ハ非ナスト
 思ル然力空ニ向テ切ハケム定テ目ニ見コエケルハニ
 有メケ然モト法ノ驗シ掲カキ故ニ忽ニチ死ル也
 ナケリト語リ傳ルハ夕トヤ按利仁延喜中為上總
 文德帝世古事談為宇多帝時共可疑然至于
 其欲攻新羅不果而卒事或有之故姑繫于此
 古事談云宇多御宇利仁將軍討新羅ノ間於彼國
 海上頓滅云云此事智證大師御入唐ノ時依彼國

之語被行調伏之故歟

大帥入唐入朝林人

言事難云字多味市陳

下陳單情流羅入間為

如國

天勤神古事始高平本

東京林知林林下

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

林林也林林也林林

雞林拾葉卷之四

